

聽春

雨闌

樓雜

詩詠







詠 雜 闡 春

著 昶 袁

春闈雜詠一卷

清 袁 昶 著

題舊林所臨秋山晴靄卷三月朔

精舍枕疏峰。流泉挂高樹。烟霞不可卽。似有幽人住。高標寄物外。妙境發深悟。岫翠若浮空。微茫采藥路。疑聞寒犬吠。復入青蘿去。有客度溪橋。窅然無所遇。將毋鹿門翁。併棄魚釜具。無錢買山隱。此亦栖真處。便欲老其閒。靜參楞伽句。安知春與秋。世法如草露。爲問青楓林。巖前紅幾度。

倚伏

倚伏世機誰曉。參差物論難齊。須鑒冥鴻失路。甯從黃雀卑栖。

咏融齋老人逸事并序

同治七年。先師融齋老人主講龍門精舍。臘底將歸興化掃墓。權使者爲買大舟資之行。先生堅卻不受。呼僮別賃一行。牒子。篙師裁二名。桅高於頂。篷裁及肩。僂俯而入。不可屈伸。有似石室。前後洞然。抱膝促坐。僅容二人。卷舒臥具。衾綻枕穿。予送先生至黃浦江畔。磬折隨入舟。撰杖問答兩炊時許。顧謂渡北江時風浪惡。舟小如葉。何以禦之。先生怡然。既而笑曰。若無憂。遇晴明則徑渡。如守風待風。平浪靜時。自然得渡也。觀先生之立身如此。迴憶先生立朝日。佩玉而形若槁木。對越而心存。

嚴師神理貫澈。抑可知矣。適坐車中。風景宛似小舟。忽憶吾師事。追述短章。

青鵲白鷗舫。喧呼何郡郎。緬惟賈充輩。修禊洛水旁。凝妝曜朝日。繁吹蕩人腸。見譏夏仲御。慙慙小海唱。褫彼炙手熱。未死魄已僵。吾師隱无名。拂衣謝時會。俯冥物論齊。仰觀天宇大。金石不能焦。兇刃不爲害。純白守真常。世樂盡淘汰。常於空寂光。坐發鸞聖籟。勿嗤行艤小。可遊六合外。雙丸入船窗。五緯爲之蓋。太虛作明燭。清輝映藻績。奢者心常貧。儉者心常泰。飄然獨往來。輕颺出煙靄。其事可以風。颯然破昏昧。

故相朝邑閻公挽詞

匡涉方期仗國工。翩然初服兩疏同。生晞表聖蕭閒墅。沒有韓城骨鯁風。砥柱能迴狂浪止。練衣誰識隱憂忠。知公不死留元氣。嶽黯金天箭筈通。

附錄

祭故相朝邑閻公文

嗚呼。孟子有言。豐年當斂。凶年當斂。理財之政。兩言蔽之。食貨志謂狗彘食人食爲豐年。而不知檢檢當挾斂散之術。以御百物之輕重。與時消息而生財耗財之差數。觀焉。國無三年之蓄。則坐失金城與湯池。宜籌積儲。賈生矢辭。方今杆軸其空。四海困瘁。黔首無資生之具。左藏乏貫朽之貲。內疲於租庸征權。外困於互市漏卮。石甕徙而物力耗。前明嘉靖中事。日下舊聞引。西園霽而名器漓。下繭絲以重困。上累卵以阽危。迴視公當國之日。判三司之度支。儉以率物。明以燭欺。墨吏望風而讐走。封椿鏹識而罔私。簿元和之國計。綜名實以慎持。夢錢流於地上。洞利

敗以精思。非刻苦如晏墨。則無以奮天地之藏。非心計如研桑。則無以蘇鹽鐵之疲。非嚴勅交代。賊污不足以肅萬吏之氣。非擯絕苞苴竿牘。不足以嚴一心之師。嗚呼。公之學術。呂簡甯陵呂叔先生于清端公等。夷公之誠信。格於蒼龜。布衾疏糲。竹杖芒屨。室無姬侍。庭不糞治。妄人竊議其矯情鎮物。識者謂其始終一節。歷夷險而不衰。立朝則手治吏牘。雞鳴而不息。退居則日抱遺經。洛誦而忘飢。論公之介立獨行。赫乎康熙諸老之遺。故能邁益陽之薦疏。結定陵之睿知。清理楚漕。軍儲胥印。以供給。撫綏齊境。帑藏充牣。而具宜。再辭冬官之貳。迹恥苟進。足以藥僉衷之火馳。復起長金穀之部。義不媿安。足以鈇怯夫之骭。皸冰菓之苦口。無以喻其節操。雕炙之游談。不足犯其藩柵。朝廷如得公十數輩。則風俗之廓清可期。嗚呼。越事震業。公參帷幄。遂躋爰立。金甌協卜。旋乞病以堅辭。荷聖慈之賜沐。將矜式乎國人。退蕭然而野服。娛晨夕以經史。貫誦數以往復。閒及於楚詞陶詩。得機趣而憺焉自足。昶爲門吏。謬蒙刮目。程以魚鱗之冊籍。責以會計之叢錄。公之在朝。未敢投謁。以私干。泊乎退居。屢得過從。而論學。飲以焦革之酒。母飯以寒泉之脫粟。帷弊於范氏之墨帳。杖古於衛公之方竹。婆娑一室。有似空谷。體忘物我。理齊淹速。語及時事。幽憂根觸。顧謂中條之東。有王官之邃谷。竹樹溪流。蕭穆洄洑。乃司空表聖之舊隱。弊廬茲焉卜築。旋祖帳于西門。賦遂初以戒夙。避朝士而犢車遽發。占飛遯而九師神告。歲在屠維赤奮。公以光緒十四年戊子臘月以病凝乞致仕十出都歸於虞鄉。僑第歸田園以止足。帝賜以蒲輪之車。賚以芰製之服。敕所在使護行。緩吉郵以禮篤。公乃辭傳車之勘符。載函書以蜷局。戒勿通候吏一刺。行李蕭然而抱樸。豈兩疏之可方。欣一邱之從卜。

方期祝嘏。甲午公來。公去國日言甲午年當以祝釐入都。何意三載。梁木遽摧。風雲變色。金石流哀。國醫善鑑。士失杓魁。公之風節。非史筆所能殫。公之苦心。與日星而昭回。有羈卑秩。公疾勿譏。殞不執紼。奠不捧鬯。漢吏赴義。絮酒漉漉。河聲嶽色。瞻望若灰。援筆申懷。不知所裁。孰知予痛。木稼山積。具官門吏。昶再拜譔。

清明前二日分韻入闈口占

依倚台衡乘至公。坐令朽質發孤蒙。聯翩似入青油幕。呼吸疑通紫府宮。虛鑑真慚多翳障。奇葩那免墮蒿蓬。諸君皆挾人天眼。禿我中書老不中。

卽景漫題

卻如三日新爲嬾。閑置房櫳不自由。退院衲應時入定。渡巾繆亦可消憂。乍看供帳行饜蝨。忽見修槐大蔽牛。屋後有老槐一株。簾外飛塵眞望雨。隔林試聽一聲鳩。

同治壬戌三月今大司農翁公分韻禮闈手拓錢湘吟侍郎研背禊帖裝池成軸今再奉命典會試歲逢壬辰此拓本閱世遂已三十一年矣出以命題泚筆奉呈

游絲乳燕春將晚。綠字裝題痕不損。裁過禊日鑣闌閑。似挾湍流帶天遠。研今流落歸誰何。留迹房公池上鵝。錢少寇於辛巳冬下世。迴首卅年燈火冷。鬢絲出此三摩挲。冶城太傅高一世。筦領春關拔幽滯。公今臂痛廢書時。棐几山陰弢筆勢。前塵影事認泥鴻。嚴柝重門月又中。未遣臨河敍幽興。轉煩磨墨費良工。戲張短幅高堂壁。香篆烟燼看妙迹。欹斜不數徐青藤。肥瘦從評姜白石。往年見天池山人一研長幾徑尺廣半之續刻禊會中三十餘人景物亦略具

研背及四玉躩青霞氣鬱蒸。捫之紙上若有棱。揚精與研俱長久。過眼雲烟感豈勝。涉時霖雨丹青手。偶
側皆滿。託閒情記薜蘿。催詩還似永和年。授簡因傾缸面酒。

屋後老榆一株扶疎直上未芽時。誤以爲槐也。今始覺之以志吾過。

鵝眼裁堪認。鼠耳漫相猜。智真昏菽麥。燧不辨榆槐。天上傳殊種。人間寄散材。笑予頑鄙甚。混沌幾時開。

春霽窗外桃花初放

連朝春暖氣融融。蒸出深紅與淺紅。不去江南秀籬落。卻關深院獨搖風。忽作重霧不放晴。洞門對霽薄寒生。恍如玉女窗中見。襯得桃花分外明。

戴青來太史爲虞山尙書畫吳中山水

至人觀身若稿木。迹寄禁近猶深山。錯陳萬物虻雀過。滿然不損三重淵。公之襟抱在邱壑。風節內斂窮
躋。扳畫簾。官燭燼熏炷。願謂著作濡柔翰。閉門滂礪解衣坐。霜豪拂紙意匠殫。神凝法具始一掃。結搆拂
水支。礪閒層嵐衆。皺出寸碧。溪流竹樹繁迴環。勝因宜著茆一把。瓜牛峯起枕孱顏。寶帶萬釘誠可脫。良
田二頃求非謾。石蘿拂黛出點綴。無窮景氣來蕭閒。澗上徐生供藥採。中峰蒼雪常撻關。村莊紅豆有遺
迹。戲和馮鈍偕松圓。戴君受筆鹿床叟。青來文節公之孫白雲堆裏花鵝地名。藓清寒。鑣闌畫竹成往跡。湘鄉曾文正公集有試院
乞文節畫竹詩二首。風流賡續五十年。虞山老人修故事。授簡趣作青琅玕。歲周兩典南宮試。不遣幽桂遺榛菅。文
書如山堆戢戢。忽憶一髮東吳樹。過家賜沐甫三載。夢中略記招真壇。梁簡文帝有虞山招真治碑時方釣築起賢輔。

未許薜衣冠。籀冠臥游聊當。樽一壺。荆公詩。豈意暮年專一壺。松花秀色還堪餐。卻慚劣句綴紙尾。有似寒具踈其端。

又代雲曙作一首

靈境構意匠。清暉照冲襟。眷言丹青手。寄寓蕭寥心。綠竹翳枉渚。長松冠遙岑。誤因茶銚沸。顧謂流泉音。疑有鹿皮子。結隱穹巖深。茗茗礪水曲。槭槭挂瓢林。鑲院盛品藻。謝傳出碎金。衆流旣在冶。餘興愜抽簪。誰識虛深意。琴德抱悵悃。

醉後吟

如是如是无垢緣。達哉達哉能樂天。夜燃松節乍聞道。朝餐桃花初入禪。韭盤食品廿七種。麴生風味三百錢。軋苗能令試官縮。冬烘從諛聲郎慎。幾日捉將官裏去。鮎竿那得辭拘攣。薑芽草隸信手抹。下方羅趙雜醜妍。扣門索逋倨堂應。落紙亦復生雲烟。去年壺公遺刀布。今茲餅叟佐槩鉛。從茲卜它約蒿隱。買田三泖茅一椽。薦士覬得麟一角。觀生已似蠶三眠。人生適志自可樂。勿遣外物相煩煎。此時若復不快飲。落花如雪春風顛。

夜坐

油燈如霧幾重遮。細字牛毛未有涯。人似寒巖倚枯木。書真餓隸出嚴家。誤批紙尾終招罵。春去遨頭亦已賒。病眼爭花還自笑。看山可復起雲霞。李供奉云。他人之文如山無烟霞。春無草木。

愁早

今年春種不入土。羸壤朝朝刮旱風。似我無田猶望雨。飢腸何況老村農。

簡朱叔基沈子封兩太史

去年同作蹋青客。今日花開把棧同。同社不寒牛酒約。望衡真對鹿門翁。偶然示疾持千偈。叔基疾三日不出戶。不憚披榛采一叢。仗有兩公巖電爛。自堪鞭淬起庸工。

再咏桃樹

風來露井上。吹折幾枝殘。卻憶金閨裏。何人共曉寒。

題齋壁

雖然殊火宅。亦豈是涼臺。迹晦無喧寂。心明斷去來。堂前行不到。盧居士參禮黃梅五祖事。牀下已生苔。一片飛花急。機真透溼灰。

批卷

瓠材非不枵然大。蘭性由他薰自燒。生殺機關都不管。手如雨點白珠跳。

權實對勘

權實相對治。究亦無權實。如不信吾言。請問老黃蘗。

戲咏藍筆以呈子封太史一笑且索和

頗疑盧杞面。闖入蔚藍天。又似藍田叔。濃描輞口川。出青誠可望。字綠豈能賢。國初人朱書字字綠。那得雲藍袖。添

香爲壁牋

東坡公與人赤牋云。僕南遷以來。似退院病衲。百念灰冷。習禪定持戒久矣。然公向所見雲藍小袖者。昨輒生一子。公聞之當大笑也。

不佞自爲諸生卅又三年。困場屋者屢矣。對茲落卷。戔如筭束。不勝怛怛。然奉慰以詩。

春江水暖不關鵝。或似毛公律太苛。過眼恐迷佳賦筆。相皮兼畏故人訶。但令壽可三松倒。會看錄終八面磨。猶記春明門外夢。南華悔讀幾焚和。

附錄

遇合論

場屋之文。或遇或否。或奇或偶。機有迎劇。志有通閔。雲譎波詭。千變萬態。莫可究詰。傳曰。獨陰不生。獨陽不生。獨天又不生。物必三合。然後生。瘳乎微哉。遇合之故。消息之朕。不遇則夜光投闇。路人眄而按劍。遇則抱石投水。雄主鷹若坻積。縛厥所繇。殆繫於主者之嗜好爲之。意氣爲之耶。抑時有顯晦。數有踦贏耶。論甘者忌辛。是丹者非素。毛嬙麗姬。魚見之而深藏。腐鼠甘帶。鷄臨之而遭嚇。此者好之異也。伯松之於孟公。喧寂殊趣。孟堅之於武仲。長短相嗤。珀不引針。磁不拾芥。杜預斥公羊。非太官之上廚。荆公薄明允。祇策士之餘習。此意氣之異也。或未適之。謝眺意淺而遭擯。或已退之。江淹才疲而莫賞。卞和厄窮於再獻。顏駟蹇剝于三好。此年力有早暮。故顯晦殊時也。太初學官。仲公羊而絀左傳。陸氏釋文。進莊周而退孟子。建武革運。九流雲驥。馮敬通不能得之於世祖。西州之士。望景福湊。趙元叔不能得之於度遼。此運會有奇偶。故踦贏異數也。凡茲諸科。非巧歷之所能算。故有在遠而潛契。吳石叩於蜀桐。有當前而遽隔。

越肝乖於楚膽。茲遇合之大凡。亦精微之篤論。不可不察也。

三月二十日夜望月

老薛侵殘月。高枝挂一星。殷床諸籟寂。排闥一燈青。寒劣嗟無補。詞章信有靈。誰爲疏鑿手。五嶽獻真形。

家忌日

慈蔭如天往劫淪。卅年前事劇傷神。墓田告誓遲初服。風雨高邱泣罪人。鄉社村村作寒食。鬢毛颯颯枯吾真。口中銜闕無由訴。宛轉霄垠自苦辛。

榆頌

屈蟠下洞龍。地窟精氣已交風。雨會寄此千年如古社。無風自發笙竽籟。人間笑煞支離疏。呼吸鴻濛遊數外。上枝挂漢捫參井。附柯揖攘相鈎帶。得茲真宰襲氣母。大隱無文亦無害。閱盡長安如弈枰。雲浮西北看車蓋。

詩格

詩格漸卑如擊壤。亦參禪偈老寒山。沈洋適我窮年志。嗤點由他外論訕。胸有桃源能避世。官如薪積且偷閑。忽看金史南遷事。雪沒窮邊木葉山。

誦陶詩有客常同止一首戲作

趣舍由來真各適。慎言依隱不離羣。陶公獨醉還相笑。列子連牆了不聞。於總持門何所見。當敷坐處苦

長勤村夫學老莊者也。傳山語忙裏偷閑且解紛。

砭風

豈繫風輪之持世兮。乃迴薄乎長空。斲旱苗之龜坼兮。病二麥以傷農。禱彼握奇之靈后兮。施神力以返風。鍵爾於青邱之囊口兮。雨師乃得而奏功。竭精誠以申訟兮。晞潛格於昭融。

遣興

新綠已瑩窗。殘紅猶照席。緬懷西郊路。怛悵增闔隔。久旱土皸枯。焦原傷二麥。園籬阻麗矚。蔬甲憶小摘。兒如阿宣頑。不好親書策。作字如栖雅。往往軼界畫。日力歎虛費。不蓄何有穫。有子賢與愚。昔人懷抱釋。杜集陶公避俗翁未必能達道。有子賢與愚何必挂懷抱。且貰其勤惰。何煩水投石。騰騰聊任運。浩浩姑忘適。吾衰已頭風。逃虛思卜宅。露書督諸兒。且爲樹雞柵。

院內有海棠一株得雨將放

三月廿六夜始得對雨

久寄重門寂寞中。芳時忽遇碧紗籠。朱唇含笑偏宜雨。老榦孤撐不喜叢。迴眄上林空色相。何人妙墨寫屏風。年年佳會花之寺。此日開樽孰與同。

菘米粥

日啖雕菘一木瓢。坐忘簾外雨瀟瀟。不須更侑客孃曲。夢到松陵第幾橋。

伏讀泰陵御饌語錄。有足成寒山子詩二絕。其一云。曠是心中火。能燒功德林。欲求除黑業。戒忿謹

真心其一云。情是身中水。能迷般若津。欲求修白業。戒慾護真身。至哉聖諦。一經拈出於大易。損卦之誼同符。小臣稽首讚歎之不足而述是詩。

兩偈空龍藏。千燈只一光。神針爲指示。窮劫有津梁。露灑思林淨。雲融火宅涼。止觀權兩照。尸羸實俱忘。窶子衣還解。辛門宿有糧。散花都不著。飄瓦亦何妨。試覓經行處。重參宴坐場。流傳石壁句。拈出藥方良。
戲作俳詩呈叔基子封

好憑沈五石能撞。祇仗朱三筆可扛。奴子高燒官蠟一。庖丁日費膳雞雙。重門深璫難賒酒。病榻無聊獨瞰窗。過了郊原春浩蕩。幾時逃谷訪疎覓。

詠井

露井依桃樹。風枝縱復橫。乍看修綆汲。不用轆盧鳴。花落浮香出。瓢傾暈碧生。繫腰觀亦可。從笑學錢鏗。
又設爲子封戲答

批風抹月且休論。華士游談恐不根。此面無私嫌太冷。上頭有佛怯稱尊。雌黃信手將毋滑。簡亦稀通亦苦煩。簾外海棠開過了。角巾未放出修門。

又次韻

似觀家伎奏緣撞。筆力伊誰鼎可扛。史頡目光甯有四。孫宏首選竟無雙。痕餘毳毼他年酒。夢到醪醑舊宅窗。欲掃淫哇尋雅奏。沈思何處谷音登。

春晚雜興懷蕙客子培

牆外平蕪綠映城。危臺望不見崢嶸。涸河應漫春流細。飛絮偏縈落照明。貢院枕泡于河。元之會通河也。又有元郭太史守敬觀象臺。

白戰恰宜裁禁體。烏稽未必昧諸生。策題有東三省形勢沿革一條。作卷甚多。

再設爲子封和落卷詩

花落餘春尙戀柯。因風迴胃露絲窠。掃如棐几塵難淨。疲似松煙墨畏磨。瓊甚瑠絲同季緒。可能棄寘寤連波。須防過眼迷離處。門外青袍會見訶。

上司空壽陽祁先生二十韻

清襟照一世。天子重文衡。妙簡黃羊老。心真絳帖平。神奇出陳腐。蘭茝擢榛荆。瓊闥重門靜。秤量一字精。理如觀月顯。斤快運風成。淘洗吳城劍。裵饒楚客英。泉疏晉祠碧。箭採會稽萌。字書。筭竹萌也。得士方嘉慶。疑年四老更。嘉慶四年己未。大興朱公儀徵阮公主會試。得士之盛。前後稀有。榜題懷秀野。文端公常勝門云。今科虞山公爲正總裁。公與閣學長白霍公貴筑李公爲副總裁。鏘鏘野文端公常勝門云。花市下斜。槐市隔新晴。客致張何雋。門兼韋杜榮。謂苗仙籠張石洲何願船何媛叟。鏘鏘野文端公常勝門云。花市街。亮節朝廷舊。穹標世德閑。感通賓鏡躍。心迹野漚盟。竊吹參詳未。深慙薄植輕。仰資宗匠力。虛費鏤脂程。花發朱闌亞。堂疑綠野行。儀鸞供帳肅。爆竹溼薪聲。故事柯亭續。分曹笋束呈。馬懸門下格。刀入匣中鳴。會看珍奇果。金料侍史擎。

呈同事諸君

略似蜂房各閉門。廚烟相續恰成村。衰遲幸逐金閨彥。十六人皆翰林官。又御史臺一人。點勘同開瓊院樽。莎柵可如同社讌。分校公膳日一雞多戒殺以。柵養之。卯唱西栖喧聒殊甚。研箋仍畏趣書煩。古來幾許題名客。試覓蒼苔粉壁痕。

春榜將放作

三句且喜隱壺中。世事如烟百不通。出世擬尋方外術。奇文欣賞辯才工。簷前榆柳縈新綠。井畔棠梨賸小紅。多少青袍門外客。吹噓賦待奏河東。

午枕

纔得西窗放脚眠。黃雲一穗裊爐烟。忽思西塞山前路。又到斜風細雨天。

分校事畢虞山壽陽兩公宴酒命集作

融冶羣言夙所欽。光風徧飫意愔愔。心如明鏡纖豪見。後漢書董扶襄纖芥之善。貶秋豪之惡。酒似春江色味深。磔落不科蟲篆細。粗浮一洗鄭蛙音。傳杯散作烟燼氣。種出他年松楸林。

擬贈諸新先輩

科目蟲瑀已積疲。虞山老子起扶衰。相期幹涉爲時用。一掃俳優返雅詞。差幸持籌依孟子。七發便媚之倫。使奏方術。孟子持籌而算之。萬不失一。敢云識寶似波斯。無忘釋菜呈身始。題字新龔太學碑。

予別家月餘。園中松忽枯。變作赤葉。枝條盡禿。俯仰之間。景物頓異。夫欲炙之士。營名之客。朝榮夕頓。曾不自覺。促景奔輪。曠息百變。自天眼觀之。殆不啻朝菌之壽。人之居此世者。謂之何也。爰作詩

記其事

爾恥受秦封。乃逃於吾谷。春垂青玉箴。冬作排霜鏃。引我百而吟。狂歌迷陽曲。雜草不生階。奇花原一族。韻和風竹細。影入虛窗宿。不知何人栽。疑年難品目。偃蓋形如蟠。蒼顏華不縛。理正無一袞。柴立工緣督。闐然綺里翁。伴我緣似夙。爾主我爲賓。周旋往而復。如何在官役。鑽火甫改木。觀化化及君。陡裂蒼龍腹。株作赤松僵。頭俄中書禿。將毋優畢永嘉云。以優畢又故。非照而非。寂梵語。優畢又言止觀平等也。諷我早辟穀。超搖人間鞵。解脫區中欲。抑返於真宰。靈氣三淵伏。太初本無生。妙有不可蹴。浩然歸虛無。得喪齊淹速。又疑捨我去。改裝道士服。遯迹仙華山。重巖阻飛瀑。是真乃非幻。物理窮詰曲。卻愁風雨夕。誰媚予幽獨。壑舟有人負。電火難追逐。櫟括入新詩。松德殊可錄。窮吾曼羨年。無取絃龔俗。

附錄

廣遇合論

光緒十有八年歲壬辰重黎先生分校禮闈推人文遇合之故繇於主者之耆好意氣而窮其端於時有顯晦數有踦贏揭曉後以示門下士屠寄寄縛釋其指連類而廣之以復於先生曰夫文一陰一陽一翕一張五色錯雜八音激盪芴乎穆乎不知其始非今非古變化自主故毛嫱先施殊貌而同姣江籬辟芷異根而同芳然曲拳雞栖之中促迫寸晷之下發策相難不止十題帖經而試兼及六藝情有通滯機有迎距求之有道取之有數遇與不遇孰究其故聞之淄澠之水合易牙嘗而知之而屈到者芟文王耆菖蒲苴味不必甘也逆旅之妾美者賤而惡者貴車騎之衣新者厭而故者喜耆好之異信難彊同乎老子言道德鞅固目爲家人之書穀梁善春秋何休指爲廢疾之說陽燧吐火鑑諸取水其氣相感也牛鳴而馬不響其類不相通也是以陳錦繡執綺於衛文之前不如布帛矣奏鐘鼓管磬於墨翟之側不如瓦釜矣且朱雲登堂而折角鄭君入室而操戈向歆治經父子異趣勝建論學叔姪交譏彼亦一是非此亦一是非意氣信不同矣抑姚思廉有言文無新變不能代雄故沈範疊疊於宮商韓柳斤斤於法度使縱清談於永明之際撰宮體於貞元之朝無異太初以還仍用祖龍之朔臨淮代將不易汾陽之旗是以謝朓未逾隱侯始稱獨步蕭愷旣出王筠遂爲舊手此年力早莫之說明者所必察也孝武好儒進公孫而退董子開皇治歷斥劉焯而用張賓漢興起朝儀魯兩生不得志於稷嗣晉初定雅樂阮仲容不得志於荀

監元狩北伐。絕漠窮塵。而李廣獨迷失道。貞觀龍飛。攀鱗坳翮。而王顯老不作繭。此運會奇偶之故。智者無如何也。顧或者謂衡誠縣。不可欺以輕重。鏡窮景。不可欺以妍媸。祿王甫之目。而使相人。猶百不繆一。稱士元之意。而使說士。詎十而失五。若然。陸宣公何以始闔於昌黎。蘇內翰何以終失之李薦邪。先生謂在遠潛契。吳石叩於蜀桐。當前逸隔。越肝乖於楚膽。寄亦謂洛鍾鳴。而銅盤應。尹氏與役夫。昔昔同夢。而一爲君。一爲僕也。



詩樓雨聽

著吉嘉石

聽雨樓詩

本館據滂喜齋叢
書本排印初編各
叢書僅有此本

石氏喬梓詩刻敘

梅孫石丈辱與余爲忘年交最深。始余知丈精於文律。教授鄉里。力振文風之靡。而未嘗自以詩鳴。然鄉里中競稱石氏三世能詩。固不可得而掩也。遠梅先生清素堂詩文集久已傳世。藹士先生善自韜晦。詩不多作。作必精純。其聽雨樓詩藁先生歿後。梅孫丈始出以示人。爲武康徐雪廬先生所鑒定。梅孫丈夙抱梓行之志而未果。今年鄭靈弟奉諱歸。重念吾吳鄉先輩遺著之未刊者。欲爲之流傳。既刊朱葉二茗詩。因又刊石氏父子詩爲喬梓集。蓋朱先生爲遠梅先生之女婿。葉先生有令子。又爲藹士先生之女婿。姻婭相交。淵源一派。四種並行。皆爲鄉里所尤推重者。鄭靈之意誠篤矣。清素堂集梓行已遠。天壤間當有留存者。茲不重刻。觀者勿謂三世之闕其一也。光緒九年癸未十月。邑後學潘鍾瑞謹敘。

聽雨樓詩

秋日同陳雲樵笠耕昆仲尋吳瘦夫先生墓不得

清 吳縣石嘉吉藹士著

達觀身世等浮漚。此日難尋土一邱。數卷文章皆涕淚。全家生死仗交游。林空賸有蒼煙滿。山暗惟餘落照愁。墓上正當衰草合。九原應亦怕逢秋。先生有人生如草怕逢秋之句。

采菱曲

西風颯颯吹寒塘。碧雲如水水氣涼。菱角菱花滿波面。紫莖刺短浮根長。吳孃結伴蕩雙槳。欸乃一聲搖夕陽。鏡裏夫容豔倒影。輕羅低拂水爲香。望斷前溪煙水闊。碧雲何處是郎鄉。郎情願得似明月。夜夜清輝照晚妝。采罷歸來輕撥棹。莫教驚起雙鴛鴦。

秋山旅行

山外復青山。山山積翠環。萬重秋色裏。匹馬遠行還。人影斜陽下。蟲聲敗葉間。雲中雞犬在。投宿叩柴關。
戲效西崑體

消息殷勤託紫鸞。相思縹緲碧雲端。霜凝翠瓦風初冷。花到湘簾月又殘。蘭麝常薰雲錦帳。明珠不定水晶盤。銀河終古無波浪。何事黃姑會面難。

冬日泛舟西湖

夙昔殷企慕。欣茲身歷境。游侶冬日稀。獨來契幽靜。晨旭融湖光。木落見諸嶺。四圍山翠合。澄波涵虛影。蕩槳湖中來。朔風迎面冷。

長隄界明鏡。湖光內外通。一棹蕩寒碧。六橋連彩虹。岸柳如有待。想見春時容。晨煙散冷翠。幽林媚疏紅。高峰峙雲外。朵朵青芙蓉。悅茲山水趣。蒼翠羅胸中。

飛來峰

一拳特聳秀。削起絕土壤。何來鬼斧工。怪異空想象。中啓石院幽。鑿壁列佛像。偃僂入洞行。仰睇忽明朗。一綫露微碧。天仄不盈丈。佳境信神奇。流連獨幽賞。猿嘯不可聞。滿谷松風響。

除夕

除夕他鄉過。凄然對短檠。一樽僧院酒。時寓獨夜故園情。壁暗燈將燼。衾寒夢未成。遙知閨閣裏。兒女話歸程。

歸來

堂上思兒切。歸來轉泫然。別離纔匝月。時序又經年。游子風霜苦。親心曉夜懸。今朝欣聚首。笑語酒樽前。

讀離騷

誰繼投書弔汨羅。予懷渺渺奈愁何。秋風山鬼窺修竹。空谷佳人戀碧蘿。畫就蛾眉心已妬。鼓殘瑤瑟水

生波。古來名士能相假。一卷時攜對酒歌。

與芝泉話鄧尉諸勝擬游不果

春色來天外。香浮萬壑中。不分花遠近。祇覺氣空濛。雙屐何時蠟。一尊未許同。還憑今夜夢。飛渡太湖東。

江干早發

江干無更漏。寒雞中夜啼。披衣呼伴侶。起問夜何其。僕夫駕車待。發輒猶恐遲。殘月亂人影。曉霜凝馬蹏。拂面朔風寒。游子有餘悲。行行天漸曙。邨落炊煙低。野老起獨早。支筇倚柴扉。晨光散衆鳥。寒蔬滿霜陂。川原窮往復。修垆遵逶迤。日午入村店。拂我身上衣。主人念同鄉。款曲情依依。爲言當歲暮。碌碌復何之。我感主人言。卻立重咨嗟。祇爲衣食謀。況瘁奚敢辭。長途望浩渺。何時遂言歸。

渡江

布帆一幅趁輕颺。入望長空宿霧消。千點欲浮瓜步樹。兩山爭扼海門潮。飄零歲暮悲歌起。浩蕩胸懷濁酒澆。自古難憑天塹險。興亡遺事弔南朝。

妖鳥行

夜冥冥。月陰陰。風瑟瑟。雲沈沈。有聲從空來。悽惻傷人心。時止復時作。飛飛復若集。誰屋淒涼哀婉不堪聽。恍惚有如衆鬼哭。初聞意驚疑。細聽神寒縮。我聞此鳥生墓間。妖異幾同見怪鵬。飛鳴所經最不祥。門庭旦暮有死喪。是時吾母正病亟。醫禱無靈神傍徨。一燈慘淡光如豆。星星鬼火明空房。屋上鳥聲淒欲

絕聞聲更覺心驚惶。爾來亦何爲。拊膺呼彼蒼。吁嗟乎庭氏弓矢不爾射。鷹隼搏擊不爾傷。任爾暮夜城市來飛翔。獨不見風摧巢傾。母鳥死。子鳥嗷嗷啼不已。未盡生平反哺心。徹夜哀鳴似怨爾。

渡江望焦山不果登

片帆遙從京口來。江波掀舞何雄哉。生平雲夢吞八九。到此頓覺胸懷開。劃然蒼翠落我眼。空中忽現金銀臺。海門奔濤瀉萬里。一拳特立空江隈。初日杲杲離海嶠。水面湧出紅玫瑰。山名猶傳隱君姓。江流一去何時回。安得停舟向山足。振衣獨上窮崔嵬。瘞鶴亭前尋往跡。古碑一讀懷奇才。土花繡蝕周代鼎。摩挲白晝生風雷。登高憑眺眼空闊。江海一氣含胚胎。高風千古空想像。遙呼孝然傾千盃。柁樓咫尺不得上。端如隔水看蓬萊。揚帆竟向瓜州渡。名山回首神徘徊。勝境相逢未游覽。如余應爲山靈咍。

旅中對月

獨客誰與語。羈愁觸緒生。如何今夜月。只向旅人明。濁酒不成醉。暮蟬空自鳴。鄉書珍重得。三復對孤檠。

目斷

目斷飛雲天外遙。空庭竹樹晚蕭蕭。二分明月揚州夜。廿四橋邊獨聽簫。

秋庭十詠存四

秋海棠

垂垂小朶力難支。綽約臨風絕世姿。腸斷玉階秋色冷。更無人處立多時。

黃蘋

名花移得自江濱。出水亭亭鬪豔新。曾記歌聲來遠浦。鵝黃衫子採蓮人。

玉簪花

冰霜爲骨玉爲肌。垂暮庭前發數枝。秋雨淒風思遠客。不堪敲斷燭紅時。

牽牛花

尋芳獨立短籬邊。翠蕊盈盈挹露鮮。最愛山邨秋曉後。花光遙映蔚藍天。

七夕

銀河一片影。萬古此離愁。我欲乘槎去。臨風問斗牛。夜深天宇靜。雲冷鵲橋秋。脈脈深情在。幾曾歎白頭。

廢將

酒酣撫髀起長歎。萬里封侯願竟虛。灞上歸來逢醉尉。湖頭獨往策疲驢。殘宵夢落三邊外。回首魂驚百戰餘。閒把吳鉤燈下看。退耕肯遂事犂鋤。

贈劉勉齋

良友論文樂。清宵逸興增。殘尊遲夜月。長話聚寒燈。意氣干雲上。文章健筆凌。佇看豐羽翮。霄漢任飛騰。

抱劍吟

一燈如豆搖殘照。匣底吳鉤作龍嘯。危牀拂拭把劍看。明月忽墮星離垣。壯懷振觸鳴雞警。我作悲歌劍

其聽爾既不能紫氣騰。重淵直射斗牛光。燭天博物幸邀知者願。雙飛水底龍蜿蜒。我又不能抱爾侯門倚。自喜沾沾街薄技。此生兀傲本性成。彈鋏求魚良可鄙。嘖嘖今何鳴不半。中宵使我夢魂驚。行將挂爾深山裏。獨把犁鋤隴上耕。

題天女散花圖

點點紛飛似綵霞。翩翩舞袂御風斜。游仙願得成佳夢。爲爾天壇掃落花。

冬夜有懷

燭影籠虛閣。殘杯獨自銜。新寒憐翠袖。舊恨淚青衫。月落柝聲急。雞鳴霜氣嚴。伊人真室邇。迢遞達瑤函。

西山探梅

空山春意動。索笑抱琴來。一曲林間奏。梅花無數開。寒雲凝碧嶂。孤鶴下蒼苔。幽絕忘歸去。還愁暮色催。

虞山舟中遇雨

羣山列屏障。青蔥若染黛。曉起推篷看。終朝欣晤對。微雲一縷生。冉冉極變態。須臾徧邱壑。山形驚破碎。前村認模糊。遠樹遞明昧。細雨隨風來。廉纖洒篷背。流水如我心。滌蕩清塵穢。

玉蘭花下放歌

白雲天半來。飛飛墮檐端。輕風一夜忽吹散。妝成玉樹圍雕闌。臨風影歷亂。但覺花光明。恍如羣仙朝玉京。星旄月羽空中行。明月欲素花晶瑩。花間疑有人吹笙。瓊林珠樹眩銀海。春霧襲衣香氣清。一尊獨向

花間酌。憶我看花纔總角。展書日就花下來。孤幹扶疏剛及屋。戊申歲先大父手植。灌溉栽培二十年。高枝密蕊欲參天。風塵浪迹韶華過。每到花開倍黯然。漫道謝家有寶樹。階除早得沾雨露。散木豈知植道旁。拳曲難邀匠伯顧。凌雲有志更懷漸。屏跡巖阿亦自甘。手澤摩挲思往事。樹猶如此我何堪。

初夏泛舟白隄

七里濃陰接翠微。水禽拍拍並低飛。蒼茫鬱氣蒸新暑。掩映湖光帶夕暉。捲幙高樓聞笛起。衝波小艇載花歸。招涼最愛荷風過。閒拓篷窗解袷衣。

中秋對月

今夜若無月。天爲我輩愁。宿雲晚來斂。萬里澄素秋。特開金鏡滿。照我花間樓。我持一尊酒。獨坐樓上頭。涼深蟲語歇。露浥桂香浮。邀月月不飲。願月且少留。良宵恆苦短。不樂復何求。神仙固所願。未遑服食謀。有酒復有月。已作仙山游。

題劉勉齋聽簫圖

桂樹團團玉露零。西風涼月滿空庭。鸞吟鳳吹來雲外。花下牆陰獨立聽。獨來花徑步縈紆。嫋嫋餘音聽欲無。他日畫樓更倡和。倩人更寫教簫圖。頻年邗水幾停橈。月下曾來廿四橋。今日披圖重棖觸。不堪回首憶吹簫。

古柏行

柏在吳中郡廟相傳爲周公瑾所植

老幹拔地凌青雲。蒼蒼猶帶古時春。風霜閱歷二千載。默爲呵護疑鬼神。風流雖逸猶留蹟。想見當年手植人。當時將相江東美。周郎年少猶英偉。君臣契合禮遇隆。東歸治舍會居此。

瑜自居巢東歸於吳吳主爲之治舍相傳此卽其故

址

嘉樹庭前手自栽。凌空枝幹何崔嵬。才幹如君誠大器。盤根錯節棟梁材。貞堅獨具凌寒操。游說空勞

敵國猜。英風想像今如在。手澤肯教付劫灰。變遷第宅悲陵谷。今爲撫樹低徊增感觸。蒼鬱今看羽士家。

婆娑曾蔭藏嬌屋。垂垂蘿蔓冑枯枝。白日颺颺竄空腹。法宮春暖映檐青。丹竈煙寒繞樹綠。夜半枝頭風雨聲。如聞當日人歌曲。君不見。錦官城外丞相祠。森森曾賦杜陵詩。勳業千秋兩不朽。甘棠同繫後人思。

書慰北涯

把酒澆愁愁轉增。文章聲價總難憑。悲深局促當轅驥。望斷飛揚脫臂鷹。春雨未生三月浪。寒宵辜負十年燈。花開花落尋常事。不是東風有愛憎。

毘陵舟夜

孤舟水宿夜。篷背帶霜濃。帆落過橋月。風傳到枕鐘。寒宵嫌酒薄。短夢到家慵。嘹唳南來雁。那堪客路逢。

雪後登樓懷遠

風雪滿天地。梅花空一林。含愁遲對酒。微白辨遙岑。詩興虛驢背。寒煙淡鶴心。美人渺何許。樓外暮寒侵。

橫塘竹枝詞

打槳遙從胥浦還。帆隨橋轉水迴環。楞伽一塔如鍼小。已落船頭指顧間。
門前春水漲微波。尾後雲山擁翠螺。細雨斜風寒食節。畫船載酒往來多。
何來竹笛韻偏遙。鬪鴨闌邊接小橋。十五吳姬新度曲。對人解唱雨瀟瀟。
闔閭城外柳枝黃。吳孃打槳出橫塘。無數落花飛不盡。偏教篷背壓殘霜。

題周九齋履平思危圖

古人慎居恆。坐亦戒垂堂。矧乃事舟楫。變起尤非常。示我思危圖。展卷爲徬徨。
聞君涉申浦。隨波泛輕航。海舶艤岸側。如林列帆檣。巨纜亘水中。從橫羅網張。舟行觸其內。
禍變難周防。帆傾舟轉側。乞救勢倉皇。人力旣莫施。號呼禱上蒼。時危智力生。
距躍數仞強。超身登巨艦。幸獲免斯殃。事後繪爲圖。回首猶悚惶。君子戒懷安。
涉世恆吉康。道除多險阻。舉步當周詳。奚獨歷風濤。始宜慎行藏。乾惕日三省。
願君矢弗忘。

柳絮

著地因風復起。撲簾似雪還輕。鞦韆院落春晚。短長亭畔午晴。
同北涯農生自龍池踰天平嶺至白雲泉

沿山遵一徑。身已深山入。高步出林杪。摳衣事登陟。巖畔野花幽。沙際微流溼。
古洞闕蓮花。仙靈不可卽。破屋久塵封。繞戶生荆棘。山有蓮花洞怪石何崢嶸。一一狀奇特。
危如馬飲泉。止如鳥戢翼。欹如支枕臥。端如執笏立。苔磴不容趾。舉步虞傾踣。
忽復值歧徑。徘徊嗟未識。我已鼓勇登。餘子猶佇立。僂僂捫蘿行。亟然

開茅塞。數步復迷途。轉笑予躁急。路轉造峰巔。豁然舒胸臆。下望有僧廬。於焉且少息。

自西塘進舟河頭村

楊柳綠不已。舟行疑路窮。溪迴露深港。忽與前村通。人家夾岸居。環橋綠樹叢。停舟傍古渡。散步攜短筇。村花莫辨名。補綴籬間紅。年豐俗不擾。醇樸存古風。雞鳴日已午。餉饈雜村童。見客衣冠異。指示驚未逢。東皋臺笠聚。胼胝勞三農。不惜耕鑿力。奚貪造化工。風塵謝世人。天時測老翁。笑問武陵人。何似桃源中。

吳山廬墓

束縛茅茨翦棘榛。結廬窮谷絕無鄰。伶仃孤子深宵淚。寂寞南陔舊日春。月落墓門啼怪鳥。風淒原野閃寒燐。最憐生死交情見。今亦空山宿草陳。先君子樞未葬時。櫛厝庵中。京口楊時庵丈每至吳門。必至庵中。拊棺慟哭。諱諱論吉以亟宜擇地安葬。今亦下世數載矣。摩挲手澤有遺文。才藻曾傳日下聞。舊學循牆慚繼志。新封抔土對斜曛。驚魂尙恨西冷雨。先君子以暑遇疾。歸鶴猶隨海外雲。骨肉九原如聚首。空山應不歎離羣。與九叔父墓接壤。

孤懷悵悵欲何之。往昔韶光莫可追。學業箕裘諸弟少。艱難門戶一身持。盤匱已乏承歡願。泣涕空懷捧檄思。夜夜夢魂山麓繞。百年風木有餘悲。

秋日同臯涇固侯游瑞光寺

一溪秋水度平砥。散步城南挈伴雙。古寺閒尋黃葉入。暮鐘遙帶冷雲撞。香飄寶樹禪心靜。響聽松風俗慮降。寂寞講臺殘照裏。空懷花雨下經幢。宋時高僧圓口宗本說法。於此有天人雨花諸瑞。

水船行

城濠如溝渠。舟行如陸地。水以載舟。舟載水。城中水自城外致。篙楫不能施。進退俱失次。赤髀立水中。推之挽之良非易。或以肩承或以臂。汲水首尾重易置。輕重前後形軒輊。奮呼鼓勇進無多。中途忍將強半棄。勤苦敢辭終日勞。蒼天早望甘霖賜。水中喘立試暫停。回首西山火雲熾。

白雲泉諸詠

鸚鵡石

巨石臨徑旁。銳出如鳥喙。人行出領下。俯首猶恐礙。笑我久忘機。無言且坐對。

玉筍

玉筍迸當階。澗竹繞寒煙。空亭不遇人。涓涓聞流泉。誰與坐莓苔。共參玉版禪。

茶竈

入門逢僧寮。延坐回廊曲。竹下煮春泉。佳味勝芳醪。輕煙不出山。終日林間綠。

文信國公綠端蟬腹硯歌并引

硯修廣各三寸餘。受墨處微凹。底圓而凸。象蟬腹。沿左邊至頂。刻謝臯羽銘。其文云。文山攀髯之明年。疊山流寓臨安。得遺硯焉。憶當日與文山象戲。譜玉釐金鼎一局。石君同在座。右銘曰。洮河石。碧於血。千年不死。長宏骨。歎識臯羽二字。行書極瘦。乾隆丁未十二月。杭州臨平漁者網得此。

硯王仲瞿舟過相值以番錢二十得之後歸曾賓谷都轉

忠魂墨氣久沈抑。深潭夜夜蛟龍泣。碧血千秋永不磨。綠雲一旦波中出。臨平湖邊水茫茫。碧波深處漁舟集。龍尾觸網珊瑚碎。犀紋騰彩琳琅溼。孰爲護持質尙全。題銘未被泥沙蝕。背厚面均形製奇。枯蟬碩腹戢雙翼。文士遭逢固有緣。手澤摩挲三歎息。維公筮仕寶祐年。射策金庭名第一。硯田三寸筆如椽。慷慨意氣淋漓墨。時危國事歎蝸螳。相業閒情鬪蟋蟀。立朝苦恨日無多。寇深頻報羽書急。一旅勤王奮袂興。孤臣九死難迴日。空坑一戰繫南冠。北來元鬢悲蕭瑟。玉蕙山空公所居山名人不歸。單騎見賊遭危逼。數著殘棋一局終。竟成讖語理難測。公精於象戲自製弈譜凡四十局始爲玉蕙金鼎終名單騎見賊石君此日遭流離。輾轉臨安逢舊識。一十三字銘厥旁。哭石招魂淚沾臆。猶憶象戲譜軍中。與君同在信公側。參軍亡後復何歸。將毋蹈海甘隱匿。神物終有自見時。浪打泥蟠不改色。流傳差異玉帶生。再拜珍藏謹什襲。嗚呼丞相英靈儼在茲。開函不敢輕拂拭。想見几旁草檄時。墨光慘淡愁雲黑。

雜詩

仁風被六合。重輪燭海隅。四靈集郊藪。德化禎祥符。耕鑿順知識。謳歌效蠢愚。笑茲田間翁。獻曝忱區區。懷中雙白璧。價直重名都。藉以紅錦段。配以照乘珠。可爲明禮薦。可昭德信孚。虹光起櫝中。夜夜耀天衢。列闕夾丹霞。飛樓星斗纏。大鼓搗如雷。天門啓洞然。仙吏擁雲車。陸離繞祥煙。華蓋隨其後。霓旌導其前。雙雙白鳳凰。對舞何翩翩。何來舊時侶。停車笑拍肩。飲我白玉漿。贈我雲錦箋。謂我骨珊珊。詩心已雜仙。

再拜前致辭。神仙非所緣。願以壽高堂。康強而延年。

秋螢篇

金風拂拂吹庭樹。幾點殘螢向空度。銀燭光寒掩畫屏。珠簾影隔籠秋霧。誰人閒倚夜窗幽。天宇霜飛水國秋。暮雨池塘尋舊夢。薄雲庭院起新愁。新愁舊夢難排遣。怕見庭前飛點點。弱翅難禁玉露零。微光竟被金波掩。寂寥孤館夜沈沈。暗度斜飛傍竹陰。寒士淒涼初掩卷。美人感歎乍停鍼。別有深愁閉宮院。悄然閒倚簾櫳倦。徘徊夕殿剔銀燈。惆悵長門賦紈扇。弔古情懷漫自傷。誰尋遺址劇蒼涼。寒煙蔓草荒宮殿。碧血青燐古戰場。熠熠深宵飛徧處。淒清滿目點秋光。秋光徧處真堪歎。坐覺明星三五爛。蟋蟀堂空聞暮砧。芙蓉池畔沈斜漢。可憐回亮碧檐前。可憐度影羅幃畔。東風曾記昔時經。高下離離徧遠汀。峭倩遙迷千里碧。玲瓏映入一簾青。南園春去無消息。回首茫茫心惻惻。拂樹兼飛落葉黃。映波流照沈雲黑。無復騰空力漸微。入窗猶自坐人衣。嗟余蕭瑟當秋暮。憐爾飄零何處歸。

舍旁買鄰屋數椽營書室焉後有小徑通鄰寺桑園蔬圃境頗幽阻喜賦四章

牆邊恰借綠楊春。小築三楹結構新。閉戶著書聊自得。放歌縱酒亦天真。非山卻喜還非市。卜宅何須更卜鄰。手把南華窗下讀。大年常願紀靈椿。幽居奚必羨繁阿。小院旁通曲徑過。東野漫嫌家具少。淵明爲喜素心多。風飄落蕊黏香草。雨歇殘陽挂碧蘿。皓月當頭盃在手。醉來花下自婆娑。

後檐低處蔭秋桑。膾有寒蟬噪暮涼。嵌壁窗紗容月入。過牆藤蔓帶風颺。茅龍何事更衣數。蕉鹿無勞引夢長。他日還須營隙地。窗邊栽徧碧琳琅。
陋巷何曾駐客車。寂寥差擬子雲居。翳桑十畝荒垣外。古木千尋落葉初。插架圖書新整頓。窺檐鳥雀自容與。晚來鄰寺鐘聲起。松頂徘徊上玉蜍。

題觀弈圖

聞昔探樵客。觀局深山裏。回頭斧柯爛。歸來已非舊鄉里。人間已歷幾春秋。只在山中瞬息耳。一局亦作山中觀。終日如過數甲子。優游奚事羨神仙。袖手閒憑南郭几。任他風勢急西南。緘默旁觀自參擬。雞蟲得失不關心。勝固欣然敗亦喜。參差松影落棋枰。長日空庭漸移晷。立身象外神超超。還向環中悟妙理。
題瀟湘八景存四

瀟湘夜雨

天際濕雲浮。蕭蕭楚國秋。寒江一夜雨。孤客亂灘舟。斑竹猶含淚。哀猿空自愁。曉來湘水望。百折漲新流。
洞庭夜月

湖光兼月色。蕩漾岳陽樓。一片煙波裏。蒼茫萬頃秋。騎鯨人不作。橫笛獨含愁。何處君山是。依稀象外浮。
漁邨夕照

一抹斜陽外。孤邨有幾家。晚涼喧婦女。小市聚魚蝦。破網當門曬。垂楊隔岸遮。老翁歸路近。濁酒挈瓶賒。

江天暮雪

一白訝無際。吟眸覺皓然。村煙沉遠岸。雁影沒遙天。漠漠寒雲外。蕭蕭野渡邊。歸來蓑笠重。獨繫釣魚船。

夏日同弟芝泉珊林游滄浪亭結草庵

宿慮炎蒸苦。恆染塵氛累。晨興淨暑氣。輕涼差快意。結侶來城南。佳游選勝地。草深露氣繁。林靜蟬吟細。浮雲陰朝曦。微風透輕袂。緩步旣忘疲。臨流且暫憩。解衣磐石閒。啜茗回闌際。新燕掠波輕。細魚依蒲戲。有象皆成賞。撫時感默契。游覽偕同調。清幽亮我志。

密樹蔽層石。古亭臨迴波。尋徑披芳草。攀條垂碧蘿。水木湛清華。崗巒鬱嵯峨。昔賢遭譴謫。於茲託嘯歌。買地構林泉。築室儼槃阿。名流一棲託。清芬歷歲多。我欲濯塵纓。臨風自吟哦。

徑轉入古寺。當門潭水橫。迴流漾雙塔。跨堤駕長鯨。堂空渺僧侶。竹疏漏磬聲。開軒憑虛曠。極目覽空明。深林隱城堞。飛雀傍階楹。雨氣消薄暑。波光含餘清。遐想塵外蹤。緬懷區中情。息景心頓遠。適己物自輕。坐彼維摩室。證禪悟無生。

雨盡

春愁隨雨盡。鎮日掩柴扉。獨鳥有時下。閒雲不定飛。耽吟生計拙。嗜懶世情違。請謝風塵客。予將事息機。

春暮病起

驚心春事又闌珊。杜宇啼殘獨倚欄。小病恰宜閒裏過。名花強對雨中看。出門空袖三年刺。當戶誰憐九

晚蘭未許維摩禪頓悟。臨風憔悴帶圍寬。

朱石甫丈不至吳中十載矣。今秋惠蒙見訪書以誌感。

疑似驚看覲面初。談深往事淚沾裾。十年契闊悲生死。千里間關斷柬書。撤瑟安歌悲永隔。吳雲越雨恨如何。乙丑夏。丈與先君同寓武林。丈先歸。先君以遇雨致病。歸而棄養。丈有秋。憐余家業今存幾。數篋遺文一敝廬。

晉書樂府

天門啓門九重壁。上梭化作龍。龍高飛。凌蒼穹。登八門。一未通。遭杖擊。墮長風。決指血。灑壁紅。紙裏手。字成公。遜位歸。意從容。軍資籍。府庫封。婆娑子。登舟去。武昌柳色猶葱龍。

敵騎匝孤城。圍急垂不守。一聲長嘯倚高樓。聞者歛歔棄圍走。揮刀欲死賊壘前。着鞭恐落祖生後。恥讐未雪遭拘囚。恨煞同盟翻覆手。

今苟何。昔曾閔。盡孝道。百世準。六十猶然孺慕甚。恩榮叨再世。祿位尊三公。顧獨傾心向典午。望塵下拜禮數恭。頻行廢立與密議。列名勸進貪天功。嗚呼何不移孝更作忠。

擊楫復擊楫。辭色何壯烈。聞雞夜半奮雄心。囊土運糧著奇節。中興恢復半九州。摧鋒方擬清羣孽。遺黎幸得免俘囚。置酒高歌父老悅。朝臣構亂禍方殷。國事日非心鬱結。妖星昨夜見營前。力疾繕修猶不輟。大易垂戒。治容慢藏。公也兼之。實速其殃。東市車中意始悟。白首同歸願亦償。名園淹沒存遺址。韻事猶

傳詩酒場。年年桃李花空發。恨爾無言對夕陽。

天王知尊大和尚。建廟立宇滋供養。羣臣知尊大和尚。金輿扶翼升殿上。百姓知尊大和尚。所在涕洟莫敢向。聽鈴聞香事預知。役龍喚酒術神奇。殿上圖成空歎息。自問年期不可得。蓋中呪出青蓮花。不救階前生荆棘。

生者能知死。死者能知生。一生一死。數術俱精。銅杵覆青瓮。盛藏金五百。待太平。入地九尺去壁丈。歷歷推測何分明。隱跡洞微。故示意。撫掌而笑。客驚異。

過黃鸝坊橋口占

夾岸長橋雁齒齊。連宵春雨水平隄。年來無恙垂楊色。又聽黃鸝上樹啼。

千尺雪

入室步迴廊。遙聞琤琮音。尋聲度石版。峰巒見林陰。玉龍雲際來。一落強千尋。戲噴萬斛珠。飛濺游人襟。作勢赴絕壑。流響震深林。孤亭傍澗上。獨坐面高岑。緬昔幽棲者。獨抱考槃心。全家擅書畫。潔志遺纓簪。堂名傳小宛。遺址草痕深。石壁題字古。斑剝碧苔侵。幽人不可作。瀑泉飛至今。長松風謾謾。懷古起微吟。

雨中登寒山大觀臺

高臺起天半。岑樓凌蒼靄。雲生戶牖間。人躡飛鳥背。平疇綠無際。羣山列瑣碎。峯巒互起伏。到茲如奔會。湖光匹練明。縱橫渺若帶。雨氣忽晦暝。山色染深黛。雲樹兩模糊。絕類米顛畫。俯視石崢嶸。危闌半摧敗。

生平浩蕩心至此驚倒退。

送楊景榮之大梁

黃河幾折繞城來。城上風雲夕照開。指點征程天際遠。蒼涼離緒柳邊催。論交短褐過屠市。懷古高吟上吹臺。知爾生平多兀傲。漫勞公子御車回。

別燕詞

遙計征程幾許長。將雛結伴費商量。海波漂泊西風冷。祝爾平安到故鄉。情重依依未忍拋。歸心細語在花梢。故人白屋如無恙。待爾重來認舊巢。

宣德彝器歌

吾家珍藏數鼎彝。款識猶傳前代遺。案頭排列日摩挲。懷古三歎有餘思。惟明宣廟御宇日。天下方稱邛治時。鑄鼎象物師古帝。詔下工部奉頒施。尙書臣某呂蒙司禮某張斌斟酌制度撫成規。黃金白金各若干。黃金八百金。白金三千六百金。增減輕重隨所宜。取精用宏糜物力。悉索徵求及外夷。暹羅國洋銅日本國紅銅賀蘭國洋泥國紫礦渤泥國脂石琉球國安瀾沙。範金合土爭鼓鑄。百工效職各分司。洪鑪特啓造化祕。榮光照燭耀斗箕。精靈下鑿百怪泣。象形製物搜神奇。雲雷周遭團饜饗。百乳參錯蟠龍螭。製成上作明堂供。金鐘大鏞相陪隨。諸宮各書房樓閣等處各一件。寶器分頒伯叔國。諸王府各賜數十座。下逮百官示等差。大學士至侍郎都察院御字內名山徧賜與。更聞恩數及神祇。海內有名廟宇及寺院亦各賜數十座。計數三千有三百。詔令廠臣更益之。工部共鑄三千三百六十件。當

時鄭重天家製。几席輝生盛典儀。吁嗟金甌有時缺。寶物終見千古垂。只今流落到人間。貴重相傳世共知。棠梨臘茶辨色澤。購藏奚惜費高貲。周鼎商彝世代遠。眞贋雜出參信疑。何如賞鑒及近代。拂拭璀璨無微疵。位置花南硯北側。圖書典籍爭紛披。

自題聽雨樓圖

濕雲漠漠壓檐邊。春雨聲中人未眠。情寄遙洲芳草外。愁生午夜落花前。避喧願學壺公隱。觀局閒從橘裏仙。翠竹一庭寒戛玉。攪余清夢亦悠然。
小樓寂寂暮寒侵。根觸情懷感慨深。歲月驅人絃上箭。功名斲我芥投鍼。讀書味永嫌宵短。聽鼓聲微帶溼沉。卜築買田何日遂。空山遙寄白雲心。

下白雲泉

攬衣尋幽勝。精廬闕虛谷。亂石生階除。修廊繚而曲。庭廣不盈尋。峭壁面茅屋。懸崖雜樹多。交覆檐前綠。小閣結山腰。憑欄試遠矚。雲氣化流泉。涓涓出山腹。鑿池止泉流。結屋留雲宿。雲泉日容與。未肯到塵俗。

中白雲泉

亭側闕雙崖。上窺天一綫。側身入石隙。窘步時驚眩。僂僂上危磴。巨石忽迎面。設疑限仙凡。靈境阻人見。路轉豁雙眸。崖巔露僧院。峯巒爭峭拔。竹樹交葱蒨。小坐試啜茗。奇境殊留戀。白雲爲客來。山中起片片。

上白雲泉

巖閣構峯巔。高擁石嵬岿。疑是飛仙居。半被晴雲鎖。險阻絕攀援。益歎游人寡。巨石傾何年。衆石支其下。中啓洞宇幽。佛像列安妥。老僧懶逢迎。自向石間坐。下瞰萬笏峙。春煙擁不墮。清磬雲外來。下逐流泉瀉。登城望西南諸山。

美人擁翠鬢。招我碧雲間。我欲乘黃鶴。從之數往還。天風忽吹墮。未許出塵寰。相望不相卽。徘徊意自閒。孫武子祠卽一樹園故址。

祠宇今新建。芳園尙儼然。樓空容樹入。石瘦鑿池穿。花舊吳宮笑。名逃魯史傳。獨憐王墓近。遺址沒荒煙。白芙蓉。

憐爾孤芳獨耐看。瓊姿端合勝冰紈。空江影落秋波淡。小苑香清夜月寒。誰集雲裳垂玉佩。合栽仙闕護瑤壇。素心已渺天涯隔。欲採還愁寄遠難。

賣花詞

山塘日日花成市。朝掇含英香染指。攜籠唱賣向城中。喚醒紅樓初睡起。只論新鮮不論錢。拈來側插綠雲邊。對鏡流波斜顧影。臨風低蹕態增妍。轉瞬鬢邊憔悴早。人惜花枝不常好。花開歲歲復如新。花歎紅顏人易老。

夜宿龍池山中

山靜羣動息。悲風來何自。空林樹不靜。流響驚夢寐。我生非空桑。感此揮雙淚。哀哀我父母。生我空勞瘁。

一朝違色笑。終天難追侍。古來賢哲徒。孝思稱不匱。養親以酒肉。顯親以名位。我獨非人子。撫躬徒增愧。松楸鬱以深。萬古闕邱隧。夜臺空寂寥。何處聞警效。傍徨終宵內。耿耿有餘思。何以矢守身。庶答罔極意。

過王廢基

銷盡繁華往事非。百年無恙舊蓬扉。荒原寂寞秋風冷。不復深宵有搗衣。見明良記
漠漠愁雲壓壘低。孤軍援絕急征鼙。力窮猶效量沙智。一夜城頭徧豕啼。

自寒山過華山至賀九嶺

山行不覺遠。仄徑半沙磧。雲光暗嶂影。日色露林隙。空翠撲人來。衣裳爲之碧。引人時入勝。山形轉瞬息。繚曲勢若窮。往復境更闢。山村不數家。居然成窟宅。人安耕鑿天。犬吠衣冠客。短垣護桑柘。白雲隱籬柵。山深居四阻。恍與塵世隔。嗟予日擾攘。蹙蹙意靡適。結廬空有願。擇地期隱僻。朝咏林霏紅。夕吟巖月白。託足山之幽。請將謝名迹。

羣山互起伏。勢若爭天矯。一峰特秀拔。高出諸峰表。佛像鑿高岬。依稀露林杪。古寺紅樹中。白雲時繚繞。流泉澗底鳴。遠鐘風外杳。松徑鬱以深。石亭翼然小。遙望不遑登。勞心爲之悄。筍輿得得來。盤紆巖足繞。路轉境亦殊。前山更窈窕。回首蓮花峰。雲外青了了。

兩嶺對迢遙。雙峰勢峭拔。古廟兀相向。高欲臨飛闕。石礪樹道旁。大書當棒喝。山上有石碑書天養人三大字古井水澄清。試飲消煩渴。石函儲雙魚。歷歲靈機活。空山風雨飛。如聞聲潑刺。山頂有井。大旱不涸。旁一石盤。內刻雙魚。入門僧侶稀。遠

聲聲清越。鳥隨葉下。幢龍去雲留。益峭壁起高臺。攀援絕蘿葛。置身萬山巔。更覺胸懷豁。煙波渺何處。遙山青一抹。遙見太湖。

雨後坐虎邱山後僧舍

地幽心自靜。精舍俯平岡。殘雨歇林薄。微風生暮涼。雲垂平野闊。山入遠天長。僧侶真延客。清談俗慮忘。玉峰寓中寄內

石臼塢

輕寒薄病奈長宵。無那離懷醉後消。知爾停鍼應憶遠。疏燈愁聽雨瀟瀟。高嶺隱百雲。從徑露樹杪。躡雲度峰巔。四圍山若抱。野桃爲誰開。無人花亦好。落紅不自落。滿塢春風掃。古墓夕陽寒。牛羊臥芳草。不逢采真客。悵望空山杏。

西塘舟中遇雨至先塋掃墓

篷窗半拓綠楊間。傍岸人家晝掩關。別浦帆移煙外樹。遙天雲沒雨中山。此身甘任鹽車役。羣從迴看玉筍班。霖霖頻添溪溜急。停橈橋畔聽潺湲。

游徐氏園園爲張雙堂故居

皂莢垂垂蔭滿庭。疏櫺映日亦冥冥。浮萍風約空餘綠。芳草春回依舊青。中有芳草堂籬掩四圍花裏屋。雲遮半角水邊亭。主人解事招游客。絕勝當時戶畫扃。

修廊幾折路逶迤。指點亭臺異往時。障眼今看叢樹去。當軒忽訝小山移。燕尋舊識飛還徧。花爲新栽放較遲。最憶池荷開滿候。石欄閒倚共吟詩。園中池荷極盛。晷日傍晚。每與雙堂坐橋畔看花。

虎邱雜詩

綠柳陰邊暑氣微。衣香鬢影覺依稀。如梭雙槳緣何事。來往穿波逐燕飛。名園往迹更徘徊。花外重門傍水開。獨有當年孤塔影。還隨返照入窗來。

贈無逸上人

曲徑沿山麓。禪關竹裏敲。此間經歲別。方外廿年交。日落依雲腳。牆低出樹梢。買山他日願。鄰地擬誅茅。先子居山日。盤桓此地。曾野蔬朝供飯。禪榻夜懸繩。攬勝登雲閣。談詩傍佛燈。壁間遺石碣。讀罷感難勝。壁間有先君子書。吾與庵記石刻。

春初坐雨

驚心節序往來頻。獻歲初過又浹旬。草閣寒深連日雨。梅花香滯隔年春。踏燈結伴重申約。蠟屐尋山未了因。寂寞空齋聊獨酌。莫教辜負物華新。

春日郊行口占

水源行盡路三叉。酒旆颺風樹影遮。茅屋數家斜照裏。土牆缺處露梅花。

夕陽四詠

春

簷鉤懸處去遲徊。樓閣參差晚景開。花影橫斜留曲塢。雲光暗淡去平臺。美人陌上凭欄望。游客林間荷笠回。冷落更誰尋舊巷。祇餘雙燕暮歸來。

夏

漸覺空庭暑氣沉。半輪猶自挂遙岑。罷耕歸路散人影。晚飯全家依樹陰。微雨初過雲腳見。輕霞還向水邊侵。吟蟬林外聲將歇。回首蒼茫暮色深。

秋

平沙一抹淡遙天。風景蕭條起暮煙。垂老重經思遠道。悲秋忽又值離筵。馬鳴衰草寒雲外。人立空林古戍邊。曾記征途愁日晚。空山疏影落吟鞭。

冬

幾株秃樹正當門。技上猶留夕照痕。薄霽未全消積雪。暮寒若爲護孤村。檐頭影沒三竿速。鴉背明看數點翻。獨立荒原閒負手。有人猶是戀餘暄。

食蟹

左手持螯右手酒。人生此樂復何有。池中千斛恣拍浮。玉質金章嚼滿口。和醢擣薑味得兼。計時還復論團尖。醉飽沉吟時感觸。香橙菊葉手頻拈。江干蘆葦秋蕭瑟。郭索深宵沙際出。漁人半掩一燈紅。斷畔行

來剛俯拾晨起爭來赴市邊。滿納筠籠擔壓肩。老饕對此食指動。論價不惜青銅錢。束縛徒矜螯爪力。橫行笑爾何知識。空言取象協黃中。漫說有匡盛蠶績。昨夜還從水畔過。今看樽俎已調和。害生憶得東坡語。風味當筵奈爾何。

玉階怨

怕見春歸去。朝朝下翠幃。落花如有意。故傍玉階飛。隔院夜飛聲。簾前星斗橫。翻憐歌舞地。不見月華明。

哀鴻篇

哀鴻終夜鳴。似訴斷行悲。嗷嗷復嗷嗷。感我涕漣而。維爾甫成童。家室遭衰微。遷徙迄無定。世途歷險夷。十四喪吾父。艱苦歎無依。攜爾就學賈。出入相追隨。二十喪吾母。敝廬始言歸。拮据營殯葬。剜肉補創痍。匪勉期成家。廿四始結褵。炊臼旋入夢。寂寞空房帷。安仁既悼亡。咄咄歎數奇。縱言賦命薄。迺邈奚至斯。弟素善子平之術。常自歎賦命縱薄。不意至此。勉爲子嗣計。續膠已遲遲。方喜琴瑟和。謂可偕老期。何竟朞未及。一病隨傾危。二豎入膏肓。不起已自知。執手語牀前。後事屬維持。我悲不可道。強顏爲爾嗤。調養應得痊。勿用自猜疑。寂寂空禱神。紛紛徒延鑿。迢迢夜正長。惻惻摧心脾。易簣在旦夕。無復望生機。汝婦過悲切。臨蓐月未彌。明知預死別。抱痛先生離。揮淚爲余言。嗚咽不成詞。生男幸撫育。一綫延宗支。不幸若生女。我生亦何爲。昊天何不弔。冀雄復得雌。此際益傍徨。兩命危一時。陰風西北至。愁雲慘不開。鬼火閃空房。聚泣有餘哀。不孝更不友。罪戾難挽回。有弟失保護。致遭短命災。撫膺一長慟。天地爲低徊。回想平生歡。一一猶可追。居

恆一室中。顏色常怡怡。練達處世情。老成共見推。自奉甘儉約。志豈紛華移。吾行多過失。爾時恆相規。吾性多拘牽。爾動合機宜。謂爾貌當天。爾貌獨豐頤。謂爾行當天。爾行極和慈。天道既難問。人事空咨嗟。熒熒歎孤寡。何以慰號啼。昔我一詩成。爾見記不遺。今我作是詩。爾其還知之。夜臺哭不聞。負痛當告誰。魂兮應戀我。時望夢中來。

春草閒房懷金耿庵

屋宇不甚宏敞。而尙修整。庭廣纔數弓。初無花木之勝。明窗四拓。遠隔囂塵。古巷人稀。過者望而知其爲隱君子廬。郭匏雅曾居之。今亦易主矣。

肥遁識先幾。明志甘淡泊。耿耿夜不寐。憂思誰堪託。鐵幹寫堅貞。古香發疏萼。春來草復青。伊人不可作。二株園懷徐貫時

園中荒涼特甚。敗屋十餘椽。僦而居者鱗次也。欹壁當風。頽楹零雨。池上約略猶存。問所謂二株者。剪伐不知幾何年矣。

翩翩佳公子。閱世悲滄桑。骭髀花柳間。流連文酒場。金錢揮手盡。吟興老益狂。兄夷弟則惠。異轍同舍藏。暮雲廬懷玉忘庵

廬在怡老堂之旁。小池環其左。雉堞繞其右。穴垣而啓門焉。諒非昔日觀也。窗軒臨水。連屬名園。想其託興閒吟。揮毫染素。不啻摩詰之在輞川也。

怡老有名園。青緇雲朶守。曲室藏圖書。臨流開軒牖。吟餘寄逸興。寫生推妙手。花鳥煥精神。絕品甌香偶。
秀野草堂懷顧俠君

堂之前爲顧氏世居。入則由堂之後。積水橫門。傾橋支石。中爲工人造作所。婦稚雜坐其間。旁則支牀作竈。幾難容足。階下亂石零星。頽垣塌地。半沒荒草。寒煙際矣。

愛客啓華堂。豪興何縱橫。連朝設詩陣。卜夜賭酒兵。棲託多名流。林下淡宦情。如何翰墨場。墨煙繞丹楹。

姑蘇竹枝詞十首存三

姑蘇臺下草萋萋。越來溪畔水平隄。猶是吳宮舊時月。深宵還照宿烏啼。
半篙新漲雨初收。六柱船爭放碧流。一自錦帆人去後。百花依舊發前洲。
山珍海錯市同登。爭說居奇價倍增。獨羨深宵風雨裏。有人還對讀書燈。

書瘞鶴銘後

仙禽去塵網。墨寶墮龍窟。雷擊更濤衝。石質亦破裂。零星水際存。鋒穎間殘缺。聞昔摹揚時。經營頗竭蹶。
寒冬水旣落。山足乃見石。攜具駕輕舸。僂僂循險窄。摩挲跡僅存。艱難力亦竭。神物不終祕。精英忽奮發。
好古長沙公。波底資搜索。人力恐未遑。神靈助恍惚。一旦出水中。樹立整斷碣。茲誰留舊本。題跋證在昔。
或謂顧況書。或謂右軍迹。或謂丹陽尉。或謂陶貞白。辨識徒紛紜。證據少精覈。誰歟好事流。珍禽恣惋惜。
製詞何淒清。運筆最超越。神奇現龍爪。山谷評世謂右軍有龍爪書此殆是高潔具仙骨。縱橫露戈鋌。宛轉出波磔。墨走筆

欲飛行間光奕奕。鸞鳳嗟漂泊。寥廓將安適。銘文天其未遂吾寥廓耶姓字姑勿論。翰墨實超絕。一字等兼金。片紙重玉帛。遺石千載存。珍重逾常格。爲我語山靈。守護無或忽。

渡江由新河至龍潭

風帆剪江行。掀播逐浪卷。循岸行透迤。羣山列蜿蜒。旁闢小港幽。差覺舟安穩。風盪水紋生。波鬻沙痕淺。茅屋隱短籬。秋蔬植畦畎。不識路層折。前望帆屢轉。柳翠列若屏。葦綠平如剪。牛行登隴高。鷺立臨波淺。名山望裏遙。雙髻雲中辨。據山頂有古樹。遠望若雙髻。殘雨別浦移。斷霞長天晚。來日大江行。詩情應更遠。

勞勞亭

芳草庭前路。天涯望裏遙。別離今古恨。同此一魂銷。跋涉山兼水。輪蹄暮復朝。春風多事甚。又綠柳千條。

金陵懷古四首存二

凌霄三閣峙千尋。歌舞深宵酒滿斟。座上吟成賡孔範。井邊縛急怨韓擒。歌傳商女愁中聽。月照青溪影半沉。故址莫言江令宅。段侯第已草痕侵。

干戈四鎮角貔貅。燕雀君臣莫展籌。政府相公工度曲。南都天子本無愁。青宮漂泊冤誰問。故劍沉淪怨好逑。王氣鍾山銷鑠盡。黍離何事起悲謳。

重有感

漫道先人世業存。那堪賣宅已題門。啁啾忍聽倉中雀。搖落愁看砌下萱。圭竇忽經穿粉壁。危樓猶自傍

庭垣。他時重過西州路。掩淚忍將往事論。
薄宦浮沉奔走勤。天涯踪跡最憐君。鷓鴣冠好聚驚流俗。雁羽飄零歎斷羣。荒驛風淒愁捧檄。空機月冷泣
回文。白頭親盼音書斷。游子曾經望白雲。
回首當年百事非。炎涼漫說世情違。爲雲作雨翻旋覆。轉綠迴黃裏易衣。荆樹飄搖花盡落。竹林蕭索鳥
分飛。倚闌他日勞懸望。何處還從陌上歸。
塵網簾櫳障碧紗。窗前猶見舊桃花。天吳紫鳳真顛倒。走馬彈箏自狹斜。祓禊記曾遺翠羽。樽蒲還喜鬪
紅牙。劉郎去後難重到。爲我當筵酒再賒。

久聞吾宗有遠梅先生。吳中詩人也。惜余宦游四方。未及修士相見之禮。此册爲令子藹士所作。志和音雅。守唐賢之正宗。觀此可以知其家學矣。嘗見近世詩人。好矜奇而炫異。或臚陳典故。滿紙以夸其腹笥之富。或吐棄一切。故爲可解不可解之語。以鳴其高。曾不思嚴滄浪之論詩也。曰。詩有別才。非關學也。詩有別趣。非關理也。彼喜爲英雄欺人之語者。與古風人之旨相去遠矣。如此詩清才妙旨。一往有真性情在其中。是可以砭時俗之膏肓矣。八十老人韞玉跋。